



BASES DA CAMPAÑA E SORTEO
“BONOS DEPUTACIÓN DE LUGO”-VOLTA AO COLE-

1. ***“BONOS DEPUTACIÓN DE LUGO -VOLTA AO COLE-”***, é unha campaña promocional e publicitaria, promovida e organizada pola **Federación Galega de Comercio** e a **Deputación Provincial de Lugo**, coa **colaboración de ABANCA**.

Esta última entidade aporta o soporte físico das tarxetas prepago nas que se recollen os premios da campaña. Os **premios** a sortear nesta campaña, consistentes en **BONOS [TARXETAS PREPAGO]** polos importes que se especificarán no apartado de “Premios”, e que deberán ser utilizadas de novo polos agraciados para mercar no comercio físico de proximidade de Lugo e a súa provincia.

Esta campaña promocional, iniciárase en data 1 de setembro de 2025 e rematará o 30 de setembro de 2025; ambos engadidos.

O ámbito da campaña é a provincia de Lugo, podendo participar consumidores/clientes do pequeno comercio retalista.

2. O **OBXECTIVO FUNDAMENTAL DA CAMPAÑA** é incrementar as vendas e incentivar o consumo no comercio retalista da provincia de Lugo.

3. **A DINÁMICA E FUNCIONAMENTO DA CAMPAÑA/SORTEO É O SEGUINTE:**

Trátase dunha *campaña “aberta”*, na que **poden participar tódolos consumidores maiores de idade** que se rexistren a tal efecto seguindo as indicacións detalladas neste apartado, e que realicen unha compra por calquera importe en comercios retalistas de Lugo e a súa provincia durante as datas de duración da campaña. Isto é, do 1 ao 30 de setembro de 2025, ambos engadidos.

Non poderán participar nesta campaña/sorteo os traballadores da Federación Galega de Comercio, os comerciantes en xeral, nin os empregados de comercio con tickets/facturas dos establecementos comerciais onde traballan.



Os consumidores/clientes que merquen no pequeno comercio retalista da provincia de Lugo nas datas sinaladas (entre o 1 e o 30 de setembro de 2025, ambos engadidos) e que desexen participar na campaña, **deberán en todo caso conservar o ticket/factura da compra realizada no comercio físico tradicional ou unha fotografía do mesmo, a fin de dispoñer dun xustificante.**

AS MODALIDADES DE INSCRICIÓN E REXISTRO DA COMPRA REALIZADA AOS EFECTOS DE PARTICIPAR NO SORTEO, SON AS SEGUINTE:

- A) *O consumidor/cliente poderá rexistrarse para participar nesta campaña/sorteo a través da plataforma/dirección web habilitada a tal efecto e denominada www.bonosdeputacion.com/voltacole, efectuando o correspondente rexistro da operación de compra realizada no comercio tradicional retalista, que lle dará dereito a 1 participación no sorteo. No rexistro deberá quedar perfectamente identificada a operación da compra realizada e o cliente/consumidor.
*So se poderá facer un rexistro por compra e cada operación de compra rexistrada equivale a 1 participación no sorteo. Así, cantas máis compras se fagan no pequeno comercio, máis participacións se poderán obter e máis posibilidades de gañar un dos premios sorteados.**
- B) *Outra modalidade de rexistro para participar nesta campaña/sorteo é contando coa colaboración activa do comerciante retalista se éste o desexa (modalidade de participación a realizar exclusivamente no establecemento comercial), e a través do espazo da plataforma habilitado a tal efecto denominado www.bonosdeputacion.com/voltacole, debendo quedar asimismo perfectamente rexistrada a operación de compra no comercio tradicional, así como plenamente identificado o consumidor/cliente. Esta modalidade dá ao consumidor/cliente a posibilidade de obter 2 participacións no sorteo por cada operación de compra rexistrada.*



Sinalar que únicamente poden participar no sorteo os **tickets/facturas de compras efectuadas** en establecementos físicos cuxo IAE principal sexa algún dos contemplados a continuación: 641/ 642/ 643/ 644/ 645/ 646/ 647/ 651.1/ 651.2/ 651.3/ 651.4/ 651.5/ 651.6/ 651.7/ 652.2/ 652.3/ 652.4/ 653.1/ 653.2/ 653.3/ 653.6/ 653.9/ 656/ 657/ 659.1/ 659.2/ 659.3/ 659.4/ 659.5/ 659.6/659.7/ 659.8/ 659.9/ 972.1/ 972.2.

4. REALIZACIÓN DO SORTEO:

O SORTEO terá lugar **ante notario** en data de **2 de outubro de 2025, ás 12.00 horas**, na sede da DEPUTACIÓN PROVINCIAL DE LUGO. A realización do sorteo terá lugar de **xeito telemático mediante un código programado que elegirá aleatoriamente aos agraciados de entre tódolos participantes**, ata rematar a totalidade de premios en **BONOS/TARXETAS PREPAGO** dispoñibles para sortear na campaña.

A **realización telemática do sorteo polo sistema referido non será aberta ao público**, sendo o resultado do mesmo comunicado aos agraciados polos medios que determine a organización e que permitan deixar constancia da notificación realizada fehacientemente.

- 5. OS PREMIOS A SORTEAR ANTE NOTARIO NESTA CAMPAÑA consistirán en BONOS [TARXETAS PREPAGO] prepago de ABANCA** debidamente personalizadas coa imaxe da campaña, e **que os consumidores que resulten agraciados deberán utilizar para realizar novas compras única e exclusivamente no comercio físico tradicional de Lugo e a súa provincia, cuxo IAE principal sexa algún dos contemplados no apartado 3 destas bases**. Deste xeito, cumprese o fin último da campaña de incentivar o consumo e incrementar as compras no comercio físico retalista de Lugo e a súa provincia, quedando excluídas en todo caso as compras en liña.

O NÚMERO TOTAL DE BONOS/TARXETAS PREPAGO QUE SE SORTEARÁN EN LUGO E A SÚA PROVINCIA E OS IMPORTES RESPECTIVOS DAS MESMAS, SERÁN OS SEGUINTE:



- **90 BONOS/TARXETAS PREPAGO POR VALOR DE 250 EUROS CADA UNHA DELAS.**

O IMPORTE TOTAL DOS BONOS/TARXETAS PREPAGO A SORTEAR EN LUGO E A SÚA PROVINCIA É DE 22.500 EUROS.

O prazo de caducidade da totalidade das tarxetas prepago será o 30 de novembro de 2025, engadido.

Os premios enténdense como **cantidades brutas**, suxeitas ás **retencións** que establece a **lei vixente** no seu caso; polo tanto, dita retención aplicarase automaticamente nos supostos que proceda.

O consumidor/cliente rexistrado na campaña poderá optar aos premios con varias participacións se é o caso, pero **unha vez agraciado cunha destas tarxetas prepago xa non poderá optar a ningunha máis nesta mesma edición**, podendo obter polo tanto cada consumidor unha única tarxeta prepago por importe de 250 euros.

Asimesmo, **só poderá saír un premio por establecemento comercial participante**. Isto é, que no caso de que resultara premiado un dos clientes dun comercio cun ticket/factura de compra feita no mesmo e de novo resultase agraciado nesta mesma edición un novo cliente do mesmo establecemento con outro ticket/factura de compra realizada neste mesmo comercio; pasarase ao suplente correspondente, e así sucesivamente, de tal forma que se distribúan os premios máis equitativamente e se dean máis oportunidades para que todos os clientes de todos os establecementos participantes podan ter a opción de obter un agasallo.

RESERVAS:

No mesmo acto de realización do sorteo telemático, ademais dos elixidos como agraciados e empregando o mesmo sistema, serán elixidos tamén aleatoriamente o seguinte número de **reservas**, para o caso de que algún dos premiados non cumpra as condicións ou requisitos desta campaña detallados nas presentes bases reguladoras:



- **45 RESERVAS PARA OS BONOS/TARXETAS PREPAGO VALORADAS EN 250 EUROS.**

A ENTREGA DAS TARXETAS PREPAGO AOS AGRACIADOS será realizada na modalidade que acorde a organización unha vez realizado o sorteo, sendo todos os agraciados fehacientemente notificados a tal fin, mediante comunicación persoal.

En calquera caso, *comunicaráselles aos agraciados previamente e coa antelación suficiente no seu caso a data, hora e lugar de realización do acto de entrega dos premios, que terá lugar en Lugo [capital].*

No caso de que algún agraciado non se presente a recoller o premio correspondente, unha vez notificado fehacientemente e convocado a tal efecto [data, hora e lugar], **entenderase que renuncia ao mesmo a tódolos efectos**, salvo que o agraciado xustifique a súa ausencia ante a organización por causa de forza maior allea á súa responsabilidade.

6. A entidade organizadora realizará tódolos trámites pertinentes para a comunicación previa desta campaña ao servizo de XOGOS, encargándose asimesmo da liquidación das pertinentes taxas perante Facenda Autonómica (**12% do valor económico total do sorteado**).

SORTEO ADICIONAL PRESENCIAL – BONO/TARXETA PREPAGO DE 2.500 EUROS

Ademais dos premios establecidos na presente campaña, incorporárase un **sorteo adicional presencial**, mediante formato “sorteo de bingo” e por importe de **2.500 euros**, cuxa participación está suxeita ás seguintes condicións específicas:

- Poderán participar **tódolos consumidores/participantes que asistan presencialmente ao acto de entrega de premios da campaña**, que terá lugar o xoves 16 de outubro de 2025, as 19:00 horas, no Salón de Actos da Deputación Provincial de Lugo.



- Para poder participar, os asistentes deberán acreditar ante a organización, mediante **ticket ou factura**, unha compra realizada no **comercio físico de proximidade de Lugo e provincia** entre o 1 de setembro e ata as 18:00 horas do 16 de outubro de 2025, momento inmediatamente anterior ao do inicio do acto de peche de campaña. Seguidamente, ás 19:30 horas, terá lugar o sorteo do premio de 2.500 euros.
- Non poden participar neste sorteo os empregados da Federación Galega de Comercio, os comerciantes en xeral, nin os empregados de comercio con tickets/facturas dos establecementos comerciais onde traballan. Do mesmo xeito, se un consumidor recolle delegadamente un premio de 250 euros desta campaña e posteriormente participa neste “sorteo de bingo” de 2.500 euros e resulta gañador, o premio íntegro de 2.500 euros irá para este último.
- O premio consistirá nun **BONO/TARXETA PREPAGO por importe de 2.500 euros**, que o gañador deberá empregar nunha única xornada de compras e nunha soa localidade da provincia de Lugo, a acordar/coordinar coa organización, e durante os **quinze días seguintes á celebración do sorteo**. Establécense un **mínimo de 10 establecementos comerciais** nos que se realizarán compras co premio e cun **importe mínimo de 100 euros** por cada compra.
- As compras deberán realizarse exclusivamente en **establecementos comerciais en modalidade de compra física, cuxo IAE principal sexa algún dos recollidos no apartado 3 das presentes bases**, cumprindo así co obxectivo de fomento do comercio retalista lucense.
- O sorteo realizarase entre todos os asistentes que cumpran os requisitos mencionados, mediante un sistema de “sorteo bingo”, garantindo a transparencia e aleatoriedade.

Este sorteo adicional non afecta á participación no resto de premios da campaña, sendo unha acción extraordinaria e independente, destinada a premiar a implicación e fidelidade dos consumidores que apoian o comercio local lucense e acoden ao evento final de peche da campaña.



7. Estas **bases serán depositadas ante NOTARIO** e asimesmo estarán a disposición de tódolos consumidores interesados en participar e que desexen consultalas na páxina web www.bonosdeputacion.com/voltacole.

A mera participación nesta campaña supón a plena aceptación destas bases, así como a aceptación de tódalas condicións e requisitos recollidos nas mesmas a tódolos efectos.

8. **PROTECCIÓN DE DATOS.** De conformidade co disposto no **Reglamento da UE 2016/679 de 27 de abril do 2016**, así como na **Lei orgánica 3/2018 de 5 de decembro de protección de datos personais e restante normativa estatal de aplicación no seu caso**, infórmase que os datos subministrados polo titular dos mesmos aos efectos de participar nesta campaña, serán incorporados a un ficheiro ou rexistro privado e confidencial do que é titular e responsable a entidade **FEDERACIÓN GALEGA DE COMERCIO**, CIF G27170158, Ronda da Muralla, nº 52, entrechán dereita, 27002 de Lugo; teléfono 982 255 120, e-mail fgc@comerciogalicia.es. Este ficheiro estará depositado e almacenarase pola empresa: **CDMON, con domicilio en Malgrat de Mar, 08380 de Barcelona, C/ Girona 81-83, Local 6**, entidade que cumprirá asimesmo con tódalas garantías de confidencialidade e con tódalas obrigas derivadas da normativa de protección de datos aplicable.

Que a lexitimación para a obtención destes datos ven dada pola necesidade de contar cos mesmos para poder participar nesta campaña/acción promocional ou publicitaria, sendo tales datos tratados con todas as garantías, e coa única finalidade de dar saída e cumprimentar os fins e obxectivos propios da campaña, e serán ditos datos conservados polo responsable do ficheiro durante o período de duración de dita campaña.

A través da súa participación nesta campaña, o titular dos datos cedidos para a mesma, confirma que coñece e acepta o contido destas bases, presta o seu consentimento e autoriza expresamente a que tales datos básicos de identificación facilitados a tal fin, así como as imaxes tomadas no seu caso dos actos da campaña,



poidan ser publicitados/as en medios de comunicación, redes sociais, etc, todo elo a efectos única e exclusivamente de divulgar e publicitar dita acción promocional. Asimesmo autoriza a que os datos sexan cedidos a terceiras empresas relacionadas coa entidade organizadora, aos únicos e exclusivos efectos de dar cumprimento aos fins da campaña en canto a divulgación, publicidade e promoción da mesma.

O titular dos datos subministrados poderá exercer en calquera momento os seus dereitos de acceso, rectificación ou supresión, limitación do tratamento, oposición ao seu tratamento, portabilidade, esquecemento, e todos aqueles recollidos na normativa aplicable, por medio de comunicación escrita dirixida a **FEDERACIÓN GALEGA DE COMERCIO, Ronda da Muralla, nº 52, entrechán dereita, 27002 de Lugo; teléfono 982 255 120, e-mail fgc@comerciogalicia.es**, na cal conste expresamente e se especifique o dereito que desexa exercer.

O titular ten dereito tamén a reclamar ante a autoridade de control en materia de Protección de Datos, no caso de que considere que se vulneraron os seus dereitos nesta materia ou non obtivera satisfacción no exercicio dos mesmos.

9. A Federación Galega de Comercio resérvase o dereito a modificar total ou parcialmente estas bases, así como o de suspender a campaña/sorteo, sen incorrer en ningún tipo de responsabilidade.